



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

XXX. De Patientia. Ejus occasiones, & effectus. Indicia verae patientiae. Ad omnia mala ferenda paraenesis, & documenta. Necessitas Perseverantiae.

urn:nbn:de:hbz:466:1-10805

& latus moritur, qui se singulis diebus effert; cui concessum est vivere vita peracta. Non potes bene vivere, nisi quotidiè moriaris.

C A P U T X X I X.

De Magnanimitate. Viri magnanimi descriptio.

1. **M**agnum aliquid ipso nomine sonat Magnanimitas, excelsa virtus; cuius robustissima vis est, semperque tendens ad magna. Sine hac irritus cadet omnis conatus reliquarum virtutum: nam cum multæ in earum exercitatio ne occurrant difficultates, adversus eas mens erigi, & contrà audientior ire debet: nec prius absistere, quam perruptis interpositis obicibus, ad boni sibi propositi adeptiōnem generose pertingat. Hoc præstat homini Magnanimitas: quæ ad magna & heroica opera semper inclinat; Deique ope subnixa, securè ac promptè res qualque difficiles aggreditur. Audendum est aliquid, si vis aliquid esse. Non potest parvo res magna constare. Magna res est homo, cum verè est homo.

2. Magnus animus ad magna semper aspirat, eaque omnia velut minuta contemnit, quæ pro maximis vulgus operat. Opera quidem efficit, quæ multo honore sint digna; sed ipsum honorem, & denegatum non ambit, & spernit oblatum, nisi aliter exigant Dei honor, & obedientia. Nihil ad ostentationem, omnia ad conscientiam refert: recteque facti non ex populi sermone mercedem, sed ex facto petit. In edito stat semper, excelsus, insuperabilis, par sibi in omni rerum statu: nec locis altioribus se ingredit, contentus magnitudine suâ. Super omnia eminet omnium dominus; & ideo nulli se submittit, neminem rogar; quia extra se nullâ re indiget. Nihil est quod ipsum terreat, aut incurvet. Se profert, & spectari vult non vanitatis studio; sed attento gradu, in quo degit, & Dei donis, quibus resulget. Stat tamen cum his inconcussa humilitas summa coram Deo; quia omnia bona sua, omnèmque gloriam in ipsum refundit pro certo sciens, se ex se ipso nihil habere, nihil posse, nihil esse. Hoc est virtutis fines agnoscere, de se suisque rebus humiliè sentire; iisdem tamen habitos honores salvâ modestiâ non repudiare. Sequi debet gloria, non appeti.

3. Excipit adverso pectore omnia adversantium tela, nihil reluctans; ut ad summum virtutis

fastigium perveniat. Cum viris mediocribus & infimis modestum se ac moderatum exhibet: coram Principibus & opulentis nec se projicit, nec adulatur, nec eorum potentiam suam opprimi finit libertatem. Quæ odio vel amore digna sunt, apertè odit, apertè amat: quæque palam dici vel fieri debent, liberè loquitur & operatur; quia nihil timet aut sperat. Facit eadem, quæ cæteri hominum, sed non eodem modo; atque ideo utitur dissimulatione in vulgus, nec se facile populo miscet. Non meminit injuriarum; & in his, quæ necessariò preferenda sunt, nec querulus, nec simplex est. Paucos laudat, nec ipse laudari optat; sed facere laude digna. Non vivit alterius nutu, nisi amici & Superioris: neque facilè admiratur, quia nihil illi magnum, vel novum videatur. In omni casu se ipso tutus, nullis rerum moveture eventibus. Motum habet tardum, vocem gravem, orationem stabilem ac sedatam: non enim festinat, qui paucis rebus studet; nec vehementer contendit, qui se ipso contentus est.

C A P U T X X X.

De Patientia. Ejus occasioes, & effectus. Indicia vere Patientie. Ad omnia mala ferenda parenesis, & documenta. Necessestas Perseverantie.

1. **P**atientia est virtus, quæ mala hujus saeculi æquo animo sustinemus. Quia verò hæc mala plurima sunt; varia sortitur nomina, pro varietate malorum, in quibus sustinendis versatur. Patientia propriè dicitur, cum injurias fortiter excipit: *Æquanimitas*, cum in ferendâ jaétur bonorum exteriorum occupatur: *Longanimitas*, cum pectus munit adversus rei expectata dilatationem: *Constantia*, cum firmat voluntatem ad alia quæcunque mala, propria & aliena, privata & publica, toleranda. Nulla est virtus, cuius exercendæ crebriores incidente occasionses. Tot enim irruunt malorum agmina, tot nos obsident adversarii; ut rectè dictum sit; Militiam esse vitam hominis super terram. Nullum penè momentum labitur, quo strenuè dimicandum non sit. Ut defint externi hostes, satis sibi quisque infestus est. Ex nobis, & in nobis nascuntur, quæ nos cruciant & exercent. A fletu auspicamus vitam, rudes ad omnia, nisi ad lacrymas. Hoc primùm discimus; huic rei incumbimus usque

E 3.

ad.

ad mortem. Inventi plures sunt, qui non riserint: nemo, qui nunquam flevit. Patientia itaque necessaria est; ut pectus munit, spiritum roboret, virtutes perficiat. Nemo potest cognoscere quantum valeat, nisi tribulationibus exerceatur. Non est sapiens, qui non est patientis.

2. Malè est homini, qui nunquam adversam fortunam expertus est. Ajunt Medici, nihil magis metuendum, quam nimis bonam habitudinem; sed & nautis nimia malacia suspecta est. Si te verberat & lacerat calamitas, non est saevitia sed certamen. Nisi dimices, non vinces: nisi viceris, non triumphabis. Quod si oportuit Christum pati, & ita intrare in gloriam suam; tu præsumes alienas felicitatis particeps fieri absque ulla tribulatione? Erras toto celo, si aliena tibi viam fingis, quā migres ad Cœlum. Virtutis sacramenta hæc sunt; bona facere, & mala pati. Indicia verò jam adeptas patientias sunt, aliena mala æquanimiter ferre, inter flagella Dei non murmurare, eorum qui mala inferunt consortium non fugere, inter contumelias ab odio custodiri, divinæ voluntati quæcumque nos angunt adscribere, in malis filere, mala inferentes diligere, illatas injurias soli Deo conqueri, sequi illi paratum ad omnes ærumnas offerre cum gaudio & gratiarum actione. Denique verè patientis esse dignoscitur, qui erga proximi imperfectiones impatiens non est.

3. In bonorum externorum jacturâ magnum solatium est, infidam eorum conditionem pendere. Quicquid possides, quicquid amas, naturalem retinet fugacitatem: apud te est, tuum non est. Noli tibi imaginariae stabilitatis desiderio illudere. Nihil firmum infirmo, nihil fragili æternum præter virtutem. Hoc unum contigit immortale mortalibus: cætera suam mortem fecum ferunt. Ergò quæcumque habes, eo loco pone, ut magnum sit inter te, & illa intervallum. Viro bono nihil eiipitur; quia nihil possidet tantum suum. Cu: gemis amissio numimulo, elato filio, succensâ domo: perditâ autem modestiâ, verecundiâ, fortitudine, non ploras? Atqui hæc bona tua sunt, & tui juris: illa nec bona, nec tua sunt. Si doles, cùm ea amittis; te dignum, qui amitteres, ostendis. Nihil te admisso putares, si nihil inordinatè diligeres. Externa sapientem non angunt, quia non tangunt.

4. Opus aliquod aggressurus, omnia ejus adjuncta considera: plura iuvenies, quibus turbari

mens tua poterit, si non fuerint prævisa. Puerum vocas? fieri potest, ut præsto non sit, vel ut nihil agat ex animi tui sententia. Ad aliquem iterum es? fieri potest, ut inclusus sit, ut occcludantur tibi fores, ut ille te negligat. Hæc prævide, & omnia secunda tibi accident. Ille me hodie non admisit, cùm alios admitteret: sermonem meum aversatus est: me in imo collocavit: querelæ sunt nauseantis animi, in quas felices & delicati ac imprudentes incident. Non hæc observat, qui his non afficitur; qui scit, hæc omnia vice hujus tributa esse. Optimum autem est pati, quod emendare non potes. Si cujus malitiâ vel impudentiâ offenderis; cogita, an fieri possit, ut nulli sint in mundo improbi & impudentes. Quod si hoc fieri nequit; quid accidit novi, si vir malus & impudens more suo malè agit? Vide, ne potius tu arguendus sis, qui non prævideris hunc ita peccaturum. Semper sibi constitutus munus: virtutia sunt, ubi sunt homines.

5. Cùm aliquâ afficeris pœnâ, attende, non quid patiaris, sed quid feceris. Si verum tibi dixeris, acrioribus flagellis te dignum fateberis. Deus est, quo auctore cuncta proveniunt. Ipse te castigat, ut saner, ut exerceat, ut induret, & sibi præparet. Futuri malis reservat eos, quibus indulgere videtur. Unde possum scire, quantum animi tibi sit adversus paupertatem, si divitiis affluis. Unde dignoscam, quantum habeas constantiæ adversus ignominiam & odium populi, si inter plausus senescis? Audivi te, cùm alios in tribulationibus consolareris: opto te audire, consolantem te ipsum, & tibi ipsi imperantem, ne doles. Si medico urenti, & membra secanti & gratias habes, & mercedem persolvis; cur Dei medicinae non acquiescis? Amentia est, putare dannata, quæ sunt remedia. Si pauperas, si ægritudo, & cætera, quæ mala vocas, possent tecum verbis contendere, insultarent tibi, & dicentes: Quid mihi, homo, adversaris? Num aliquo bono meâ culpâ privaris? Prudentiâ, an justitiâ, an fortitudine? An non licet mecum laeto animo esse? Bona erunt, quæ mala putas, si super ea inconcessus eminueris. Magnum malum est, malum ferre non posse.

6. In alienis casibus potes aliquando constantiam dissimulare, nunquam autem in propriis. Sit tibi fletus communis cum miseris, non fletus causa. Descende, & inclina te afflictis; ut ipsos erigas. Nemo iacentem levabit, nisi se inflectat. Qui verò res omnes duplex manubrium habent, tolerabile unum, alterum intolerabile, si quis

Si quis tibi injuriam fecerit, non eâ parte ipsum prehende, quâ facit injuriam: haec est enim anima, quâ ferri non potest. Sed cogita, illum eodem Christi sanguine redemptum esse, ad eamdem gloriam vocatum: sic eum prehendes, quâ parte tolerabilis est. Et quia amicitia validè exili voce prædicta est, ad liberas reprehensiones; veritatem ab adversario audire semper studeas. Hic perpetuò vigilans, res tuas infensus explorat: teque facilius mala tua, quam ipsum fallent. Traducet te per vicos & plateas, animique tui morbum vel latenter, vel negleçtum, ipse irritus commonstrabit. Ab hoc capere uilitatem satage, & consule salutis tuae. Attentius se ipsum circumspicit, qui paratum sibi novit censem, & adversarium.

7. Perseverantia virtutum omnium corona, & consummatio est. Inchoantibus præmium promittitur, sed datur perseverantibus. Ideo ante omnia hoc cura, ut constes tibi. Nihil tam utile est, quod in transiū prospicit: retrò relaberis, si ad ulteriora non contendis: & si incipis stare, descendis. Constitue, quid velis, & in eo usque ad exitum persevera. Inconstantis animi est, novas quotidie exercitationes assumere, novas subinde sibi querere sedes. Non alibi sis oportet, sed aliis. Planta, quæ sæpius transfertur, tandem arescit: & remediorum crebra mutatio impedit sanitatem. Si Apostolus, vas electionis, non attendens quid antea fecisset, sed quid facere deberet; nequaquam se comprehenduisse arbitrabatur: quid tibi faciendum erit, cui optabile foret, ut posses in fine tuo illius principio comparari? Ardor literarum nullā ætate extinguitur: divitiarum amor insatiabilis est: expleri nescit honorum cupido. Res finem habituræ, sine fine quærruntur: divinam verò sapientiam, si vel leviter degustaveris, continuò te saturum esse putabis? Alter te ad perfectionem invitat, qui dixit; Estote perfecti, sicut Pater uester cœlestis perfectus est. Haec meta tibi proponitur; ut locum semper superesse scias incremento virtutis tuae.

C A P U T XXXI.

De Temperantia. Quantum illi conferat Verrecundia. De abstinentia, & Castitate.

1. **T**Emperantia voluptatibus imperat, quæ ex gusto & tactu percipiuntur: adscitias & superfluas odit & abigit; necessariis ob-

sequitur, quantum recta ratio permittit. Ejus regula infallibilis est, solam necessitatem in his, quæ ad corpus spectant, pro mensura habere: nec unquam ad voluptates, propter ipsas, accedere. Hac virtute efficitur, ne ex homine in jumentum labaris. Ad eam plurimum confert Verecundia, frœnum pravorum motuum, bonæ indolis index, castos puritatis, testis innocentie. Si mentem tuam illa possideat, docebit te omnem timore turpitudinem, ab omni actu illicito abstinere, Dei præsentiam venerari, te ipsum ubique revereri, eamque semper diligere intelligibilem pulchritudinem, quæ in operibus temperantiae maximè eluet. Porro tunc verecundum te esse dignosces, cum vel ad ipsum intemperantiae nomen expavesces, cum te parientes tui tegent, non abscondent: quos plerique circumdatos sibi credunt, non ut tutius vivant, sed ut peccent occultius. Quid autem prodest, recondere te, & oculos hominum aureisque vitare? Tecum semper est Deus, qui ubique te vider: tecum conscientia, quæ ubique te accusat.

2. Usum cibi & potius, Abstinentia & Sobrietas; quæ verò ad tactum pertinent, Castitas & Pudicitia moderantur. Et in usu quidem ciborum, difficultum est, extra metas necessitatis non abripi. Venter præcepta non audit: poscit, appellat, & quotidianum tributum exigit. Sed quācum parvo dimitti possit, quāmodicā stipe contentus sit, nemo recogitat. Cogimus vitiis servire naturam; famemque & siti, quæ naturalibus remediis facile sedari possunt, variis edulis & potionibus irritamus. Castitas quoque ardua est inter tot libidinis incentivæ; nisi ea compescat timor Dei, occasionum fuga, sensuum custodia, & maxima sui ipsius reverentia. Qui seipsum non veretur, nec alios vereri poterit. Vis castus esse? contine oculos; ne invitus ames, quæ incaute aspexisti. Quid fugacem & falsam creaturæ pulchritudinem admiraris? Expecta paulisper, & jam non erit. Serenam frontem lqualentes arabunt rugæ, mesta teget nubes oculorum faces, dentium cibur scaber obducet situs. Fuge etiam pravorum consortium, omnem mollietem vita, carnem jejuniis doma, & durius træcta. Perit, qui nimium est amans sui sepulchri.

C A -